


Mekalo san 2013
San 41nan
Boko 496nan
Songo = dōcōmē 35



Kunnafoniseben bota kalo o kalo - BP : 24 - Téléphone : 20 21 21 04 Kibaru bugufiyé Bosola Bamako

An ka
kungokonjiriw
lañenamayali
baaraw be sira
numan kan

ne 7

San 2013/2014 sené kanpani daminéna

Sené kanpani bolodasében ye sebénye, sanbaara ketaw, baarakela hake, baaraw keli féeuw, umusakaw an'u sorow dantigelen be min kono. Lanini minnu kofolen be dunkafa sabatili hukumu kono walasa olu ka seka matarafa ani ka dōbōfaantanya la.

San baara ketaw be daminé an be san min kono o mēkalo tile fōlō ka kuncé o sanyéléma marisikalo tile 31. San 2013/2014 sené kanpani bolodali be sinsinkanpani temenenté kan; n'o ye san 2012/2013 ta ye. Senéko nédéonbaaw ani sénékelaw de be je ka kanpani boloda. San 2012 y'a sorō gleyaba be Mali kono; jatemine be k'o kôlôlôw la kanpani kura bolodato. Okanpani kura hukum kono, ne bëna sin sénéfen suguya wolonwula ma dunkafa sabatili siratige la : malo, kaba, alikaama, keninge, sanj, soani koori.

Mali senéko némogoyaso ye laje do laben arabadon mēkalo tile 22, san 2013-2014 cikesan lahalaya kan n'o ye kanpani ye. Marabolow ciké némogow, Ofisiw, ciké porozew n'a porogaramuw némogow welela laje in kene kan. La je in kun tun ye, u k'u hakilijagabō féeuw bolodalenw kan minisiri laje ye min dantige ka nesin san 2013-2014 cikesan baaraw labencogo ma.

Suman sorota mume hake min jateminen don san 2013-2014 cikesan kono, obenna toni 7.590.690 ma. O la jidili kera ni 14 ye keme o keme (14%) n'i y'a sanga santemnen sorolen hake ma. O dofarankan in benna toni 6.674.427 ma.

N'i ye suman sorota hake nin walanwalan, ib'a yek'a fōmalosorota hake be ben 30,1% ma ni toni 2.284.861 ye. Kaba sorota hake ye



Ne bëna sin sénéfen suguya wolonwula ma

25,6% ye ni toni 1.946.055 ye. Alikama be ben 0,4% ma. Jota ye 24,7% ye ni toni 1.874.900 ye.

Binbiri sorota hake ye 18,4% ye ni toni 1.397.444 ye, ka fini hake bentoni 59.950 ma. Kooin sorota hake min

bolodalen don, oben toni 522.000 ma.

Jamana bëna dëmë min don walasa nögow ni siw songo ka nögoya o nafolo bënnna sefawari miliyari 35 ma.

Dokala Yusufu Jara

Sariya b'a fe ka depite dōw nōminé

Depitew
ye jekulu
do sigi
baara in
kama



Sutura birifini wulili ka bo depite dōw kan, o jininisében sera depitebulon ma walasa depite dōw ka se ka bila sariya ka bolo kan : Muntaga Tali ye Segu depite ye; politikiton «CNID» Faso yiriaton némogodon, Mamadu Hawa Gasama ye Yelimani depite ye, Musa Berete ye Sikaso depite ye.

Depite 6 fana be Mali körönyanfan fe: Ibrahima Agi Mohamedi Agié ye Burému depite ye, Aligabasi Agi Intala ye Kidali depite ye, Ahumada Agi Bibi ye Abeyibara depite ye, Deyitti Agi Sidimé ye Tesaliti depite ye, Mohamed Agi Intala ye Tinesako

depite ye, Ata Agi Wudu Hudu ye Guruma Ararusu depite ye. Sutura birifini wulili jininen don ka bo nin depite kofolen ninnu kan. O siratige

la, depitew ye jekulu do sigi a kama, min némogo kera Kasimu Tapo ye, n'o ye Moti depite ye. A dankan kera Moriba Keyita ye, ale ye Kita depite ye. Ka jekulu in sëbennikela ke Madamu Kamara Sawudatu Danbele ye, o ye Bamako komini 6nan depite ye. An hakili la depite minnu be körönfela mögo murutilenw n'e, jekulu min sigilen file, obena olu ka sëbënwi ni depite saba fōlō kofolen ka sëbënwi woloma ka bo nögón na. Yanni depitebulon ka laje wëre ce, depite murutilen ninnu ka ko dabolo bëna latige. Tōw ta koni be se ka jenini ji némajolen na.

A ninina fana depitebulon fe a ka Kölönjeba depite ka sutura birifini wuli

n'o y'an jenogon Dogotoro Umaru Mariko ye.

Minisirinémogo y'o sëben ci Depitebulon ma. Ayera k'a fo Dogotoro Mariko ka kan ka wele k'a nininka ko dōw la n'o y'a sorō a no b'u la. Nka a tese ka wele kiribulon kono fo depitew ka lakana ka wuli ka bo a-kan.

Niny'a san 1 ye mankan dōw wulila kalanden köröbaw ni nögón ce Mali Iniwérisite la fo su 2 bora a la k'a sababu ke marifikise ye.

Dogotoro Mariko y're y'a jira ko nin kuma in be mununmunun na nkà fen ma fo ale ye folo.

Alayi Lamu
Mahamadu Konta
Dokala Y. Jara

Peresidansigwote bolodara k'a bon zuluyekalo tile 20 ma

Minisirilaje balalen min sigira sen kan nténendon mēkalo tile 27 san 2013, kuluba peresidanso la, o ye benkan dōw ta.

Laje in némogoya tun be nembilaperesidan Jónkunda Tarawele bolo.

Laje balalen in kun tun ye ka mara, desantaralizason ani jamana

dugukolo labaarali minisiri ka laselisében kónòkow sègesège peresidankurasigi kan.

Sariya tara min nimoro ye 2013-478/P-RM yekabénsan 2013 mēkalo tile 27 ma, min b'a jira ko wotekéjama be wele karidon san 2013 zuluyekalo tile 28, jamanakuntigi kura sugandili kama. A jirala k'o wote in bëna ke jamana fan tan ni naani kono. A be ke Mali ka lasigidensow la ani Mali nonabilasow.

Ni tako filanánya wote in na, oben kérideron, san 2013 utikalo tile 11, ni peresidanya ninibaga si ma se ka wotekéla hake nininen soró kun folo la. Tako folo in kanpani be damine karidon, zuluyekalo tile 7 san 2013, miniwi waati la. A be kuncé jumadon zuluyekalo tile 26 san 2013, miniwi waati la.

Tako filanánya kanpani be damine folo jaabi bōdon, k'a kuncé utikalo tile 9 san 2013, miniwi waati.

KONKO BE LE 8NAN NA

Kéléda kunnafoniw

- Faransi sorodasi 6nan saya : Kéléda minnu nana Mali dème, olu ka keleképankurun do binna nténendón mekalo tile 6 san 2013. A kéra Nizeri jamana tilebinyanfan fe. A bolibaga fila ni tora a la. Ségesége liw bë senna walasa ka kasaara in sababu don bawo, à tun te kélé la a waati la.

- Faransika do donna jahadike law ka ton na, a minena : A tuubilen, a farala silameya dantemewale tigilamogow kan Mali koronyanfan fe. A togo Zili Leguwéni. A silametogo kera Abuduli Jelili ye. Ale tun ye kankari gelen da Faransi ye ka nesin a ka waleyaw ma Mali koronfela la. A minena Tumutu kejekayanfan fe kardin awirilikalo tile 28 san 2013 sufela la Faransi sorodasiw fe. Alatemena Malifaamaw ma folo, olu y'a lamen kasoro k'a lasegin Faransi faamaw ma.

- Nizeriya keleképankurun do binna Nizerijamana kan : Nizeriya sorodasi

minnu nana Mali dème, olu ka keleképankurun do binna nténendón mekalo tile 4 san 2013, u mogo saba ye mugu jugu siri u yere la k'o péréni Mali sorodasiw c'ela. Olu yere kóni yerekéra nka Mali sorodasi 3 ni tora a la, ka 4 jogin, fila ta juguyara kosebe. Yerefagasu ninnu ha 2 tun bë mobili falen kóni mugu juguw la, to kelen tun bë moto kan.

- Kodiwari sorodasiw donna kélé kóni Sibiridon mekalo tile 4 san 2013, Kodiwari kélébolo kun folo donna Bamako. Unana Kareba fila kóni ani anbilansi kelen, n'o ye banabaatamobili ye. U dagayoró kéra Falaje zandaramukan ye n'a togo dalen bë Bala Kóni na. Sorodasi 105 tun don. Kodiwari ka bota ka kan ka bën sorodasi 235 ma. U kùnbenna Misima ka Kumalasela fe n'o ye Koloneli Yawo Ajumani ye, ani Kodiwari lasigiden ka kòròsigi do, Madamu Kulubali Zizeli, ani Amadu Kamara zandaramukalandenw ka komandan. Kodiwari sorodasiw ka baara bëna ke minenw dònini ye bolifénbaw la. U dagayoróba bëna ke Seware ye.

- Yerefagasu b'u son : Jahadike law ye tijeni ke Gawo,

Sibiridon mekalo tile 4 san 2013, u mogo saba ye mugu jugu siri u yere la k'o péréni Mali sorodasiw c'ela. Olu yere kóni yerekéra nka Mali sorodasi 3 ni tora a la, ka 4 jogin, fila ta juguyara kosebe. Yerefagasu ninnu ha 2 tun bë mobili falen kóni mugu juguw la, to kelen tun bë moto kan.

- Zeneral Yaye Gariba ye dijne to : Nizerika don, Misima kuntigi dankan



Zeneral Yaye Gariba numan fe

tun don. Afiriki sorodasi minnu nana Mali dème, a bë fo olu ma Misima. A

dagayoró tun ye Badalabugu ye Bamako yan. Jumadon mekalo tile 10, zeneral Yaye tilela baara la fo nege kanje 22 nan su fe. Sibiridon, kalotile 11, a tunka kankaye nogonye do kéné kan nege kanje 10 waati. A ma ye kéné kan minke, mogo taara a laje. Olabanna ka da kari bawo o'y'a wele telefoni ha ka dese. O taara a soro a sara. A si tun be san 55 la. Sorodasi jenama tundon, baara dusu n'a jedon tun be min na. Jamana nemogow, sorodasiw nemogow, bee jera ka bonyamasegin ke jalatigiba in ya a ka cunkansaya in na.

- Cadi sorodasiw kùnbenna bonya ni karama kóni u faso la : Cadi sorodasi minnu nana Mali dème, olu ye seginni damine u faso la. Sorodasi folo minnu cunna. Njamena Cadi faaba la, olu kùnbenna bonya ni karama kóni, jamanadenw fe ani jamana nemogow : Mogo minnu seginna olu tun ye 700 ye, u ni kelekemibili 400.

Cadi sorodasi minnu nana Mali kóni n'a be fo u ma «FATIM», olu hake tun ye mogo 2000 ye. Olu la 700 doron de seginna. Jama y'u kùnbenn k'a jira u la k'u ye faso kunnawolo, u ye Afiriki kunnawolo, u ye mone bë malidenw na.

Cadi peresidan Idirisi Debi Itino ye kuma ta ka sorodasi ninnu fo k'u walenumandon. Minnu tora kélé in na 38, ani minnu jogonna 84, jamana ye bonyamasegin ke olu ye, k'a jira u la k'u joli bónna ka malidenw bë bolo la, ka Afiriki bo bolola.

Cadi sorodasiw ye Adarari kulu mine don min, Feburuyekalo tile 21, n'o tun te, san kelen tun te kélé in ban. Ntenendón mekalo tile 13 san 2013, baara ma ke Cadi jamana kóni. Adon kerékerénnna k'a ke Afiriki, Cadi ani Malidenw kunnawolodón ye. San o san, o don in te baara Cadi, k'a ke taasibila don ye.

- Éropu sorodasi jekulu min nana Mali sorodasiw kalan kama, olu b'u ka baara la, Kulukoro: Mali batayon 8 na, 4 de bënnna kalan soro nansara ninnu fe kalo 15 kóni. Sisan minnu bë kalan in na, olu ye sorodasi 700 ye. Olu tilaten bë kónpajji 3 ce : dugumakékelaw, feeretigiw (zeni) anikélekébolifentigiw. Mali sorodasiw ka faamuya n'u ka césiri kelen bë k'u karamogow nisondiya.

- Anisaridiini kumalasela minena Moritani: Atogo Senda Ulidi Bumama. Sibiridon mekalo tile 18, ale y'a yers di Moritani faamaw ma, uk'a miné k'a lasago, bawo a porokotora siye cámán. Moritani sorodasiw y'a don kaso la, u bë k'a ségesége.

Adama Jara
Mahamadu Konta

Jorenankoba damado bë Malidenw kan

malidenw na.

Zuluyekalo bë bën samiye ma, a bë don ciké baaraw la k'o solosala, k'a sababu ke kanpajji girinkajow, a kélé n'a woyow ye. O fana jore b'an na.

Peresidan kura min bëna sigi jamana kunna, yala o bëna ke peresidan ye jamanadenw hine bë min na wa?

Mali ye peresidanw soro minnu ka farin, minnu ko u b'u faso fe. Nka Mali mako bë peresidan min na bi, o ye min bë hine u la. Peresidan min b'a dònkosan 53 yéremahoronya in kono, Mali fasojama ma fosi ye a ne na ni kongo ni minnogo te, ani nkalon ni tijoni.

Tine don, o san 53 kóni, Maliden dòw niyoro kera dibara ye, k'u sago ke fanga la, k'u sago ke forobanafolo la, nka olu man ca.

Ka hine jamanadenw na, dalakuma kó te. Ka jamanadenw bila baara sira kan n'i ka baaranumanke ye, ka tijen demen tijeyajamana kono, ka yiriwali sinsin cikéduguyorow la, o de ye hine

ye ka nesin jamanadenw ma.

Kidali mara cogoya bi-bi in na, o fana ye jorenankoba ye. Poroze were be EMENELA n'a démebagaw bolo ka nesin Kidali ma min jogon te Mali bolo. Déröguféerelaw, jahaditigiw ani banbaanci, ma fara. U b'a fe ka Kidali ke u dagayoró ye, u ka waleyaw juguw kama. Alabanye koronfela bë mineni ye kokura, k'a ke dérögufere suguba ye, k'a ke térorisiw ka faaba ye dijne kóni. Bi koronfela yoro to bë bë Mali n'a démebagaw bolo fo n'a kera Kidali ye. Kidali laban bëna ke cogo min na, o jore bë malidenw na bi kosebe.

Nka ninbëela, jorenankoko misenninw kelen bë k'an labo minnu b'an ninje jorenankoba ninnu kó : samiye bëna diya wa a têna diya wa? An bë mun ke daga kóni bi? Denw ka kalanko? U ka sinijesigi dun? Laban bë Mali sorodasiya labilenwa? Nafabëpolitiki la jamanadenw kono wa? Silameya laban bëna ke mun y'an bolo bi? Adw. Mahamadu Konta

Sumayabana kéléli bë sira numan kan

Dine tonba ONI bolofara min nesin bë kénéya sabatili ma, o y'a jira a ka laje 6nan senfe, ko sumayabanabaato hake min tun ye mogo miliyon 293 ye dijne kono, san 2000 kónona ha, o jiginna ka sé miliyon 219 ma san 2011 kónona na. O waati kelenw na, sumaya ka mogo fagata hake bëna 985.000 la ka se 660.000 ma san kono. Hali ni nogoya bë ka don sumayako la, fo sinsin ka ke sumayabana kùnbennibaaraw ani bana furakeli kan.

San 2011 kono, sumaya tun bë mogo 1.961.010 la Mali kono. A ye mogo 2.128 faga oula. Jatemine na, sumaya bë dadigi hadamadenya la kosebe. Sankono sefawari miliyari 22 bë don sumaya kéléli baaraw dafc.

Faransi ni Mali ka nin je in bëna laban cogo min na, o fana jore bë Maliden na bi.

Peresidansigwote labenni k'a bën Zuluyekalo ma, o fana jore bë

Dugu komite, d'en ni baganw ka sunogobana kéléli kama, joyoro ni ketaw kunnafoni, ka fara a mogow tacogo kan

Dantigeli

Poroze caman sigira sen kan d'en kéléli hukumu kono, u ma sira soro'k'a sababu ke dugumogow sendonbaliya yeala. Ode kosondijet tonba bolofara minnesinnen be dunkafa sabatili ma, oka poroze (TCP/Mali 3402), n'a ka baara ye d'en ni baganw ka sunogobana kéléli ye, o y'a naniya ka sigidalamogow sendon a ka baara la walasa a ka se ka sabati ani min b'a to poroze in be meen si la. O waleya do ye d'en kéléli komitew sigili ye duguw kono. Ka laban k'o komitew bolodon nogonbolo jekabaara siratige la walasa u ka se k'u ka baara ketaw forobaboloda k'u musakaw nini u ka kominijemogow fe.

Sigidalamogow be sendon benkan tali la poroze ka baara dakun bëe la. N'o ma ke i ka sigi a kan poroze in taa ne.

Poroze bannen ko walasa a ka baaraw ka to senna duguw kono, o dabali be tige ka ne; ob'a tobalo hake walima san hake min bëna ke porozebaara la, poroze bannen ko a kana ke i n'a fo fosi tun ma deli ka ke

d'en ni baganw ka sunogobana kéléli la ka teme.

Nin poroze in, n'o ye d'en ani baganw ka sunogobana kéléli ye Sikaso ni Kajolo serekili kono Mali la, o naniya ye ka denkele komite sigi duguw la. Dugu 35 folo minnu tara Kajolo serekili kono ka fara Sikaso serekili dugu 15 kan, a be sigi olu kono.

Dugu ka komite sigili d'en kéléli kama

Kunnafonidi ni lafaamuyali kofe, mogow minnu mana baara in kanu, olu d'ow de be sugandi ka ke denkele komite mogow ye. O komite be sigi dugu ka lajeba senfe ni serekili bagandogotorow némogó ni sigida bagandogotoro ka deme ye. A be ke kubeda, superefe, ni komini méri nena; walima olu ka cidenw. Komite sigili seben be dilan ka ke duuru ye. Kelen be to poroze bolo, kelen be di kubeda bagandogotoro ma; kelen be di komini bagandogotoro ma, kelen fana be di méri ma.

Dugu denkele komite cogoya :

Dugu denkeles komite ka lajew, dugutigi walima o ka ciden b'olu némogoya ke.

Komite mogow tow ye :

Sene'kelaw, baganmaralaw ani monnikelaw bee ka mogokelen-kelen. O ye mogo 3 ye;

Donsow ka mogo kelen;

Musow ka mogo kelen;

Dugu denkelelaw ka mogo duuru.

Dugu denkelekomite joyoro :

Denkele baara ye bolodacogo saba ye. Do be boloda jamana mume togo la, do be boloda erezon (marayoro) togo la, do fana be boloda komini togo la. O min be boloda komini togo la, baarakela minnu nesinnen be dugu min ma, o dugu denkele komite sen be don olu waleyacogo bolodali la. Komite be dugumogow lafaamuya, u k'u sendon u ka dugu ka baara ketaw waleyali la. Baarakeminan ani wari hake minnu ma na nini u fe, u k'olu di.

Dugu denkelelaw tali :

Dugu o dugu la, denkelelaw be ta. A

jama hake ye mogo 5 ye; a be ke denmisennamogow ye. Mogò te diyagoya ta; n'a ka di i yere ye i be se ka ta. Ce be ta a la, muso be ta a la; nka a ka soro i ye balikukan ke. Dugu denkele komite de be denkelelaw ta. Denkelelaw be kalan denkele baaraw kecogo la ani sunogobana sidancogo baganw na. Dugu ka denkele komite sigilen ko, o komite in be soro ka denkelelaw ta.

Dugu ka denkelelaw joyoro :

Denkelelaw joyoro ye baara bolodalenw waleyali ye. I n'a fo janw ni ekaranw suli denfagalanj la, u dalidénw ne, u tali ka bo u dayorow la, u lakanani, u kolosili ani denfagafuraw munni baganw fari la.

Dugu denkele komite ni denkelelaw sigili baara kelenw :

Walasa ka dugu denkele komitew sigi ani ka denkelelaw ta, kunnafonidilajew kera duguw kono ani fangabondaw la, k'a damine marisikalo tile 27 la ka se awirilikalo tile 10 ma san 2013.

Minisiriw ka tonsigi balalen kalata kunkan

Minisiriw ye tonsigi balalen ke Kuluba san 2013 mekalo tile 9. A némogoya tun be furancelafanga jamanakuntigi Jönkunda Tarawele bolo. Yelema min donna, kalata sariya la, tonsigi in kun tunyekabenokan. Kalatakohukumu, sariya min tara san 2006 setanburukalo la, yelema donna o cogoya la.

Kalata keli jelenya la walasa geleya min file Mali kono, o ka se ka nogoya, o ye furancelafanga haminankoba do ye. Walasa o haminanko in ka se ka tiime, ka kene ni politikitonw ani hadamadenya sabatilikulu ka lajini ye, goferenaman benna a kan ka san 2013 kalata ke ni seben ye, min konokow bora araweki (RAVEC) kono. O kalatasében in na, a tigi foto, a bolon an'a ka Malidenya nimoro b'a kan, olu minnu ye wajibi ye kalata la. O de koson dije kera sariya in ma, min b'a to jelenya ani dannaya ka don kalataw la. Jamana koronfela la mogò minnuy usigiyorow bila ani ka yelema jamana wew kono dantemewalew ne, a jirala dabali ka tige walasa olu ka se k'u sendon kalataw la. Hali sorodasiw ni lakanabaa to minnu be koron fe, olu fana ka se ka wote. Ko kura dow donna kalata sariya konokow la :

- ka seben lawuli kalata kama, kalatala bugunnatige be min kan ani ka kalatalaw togo seben laben ka kene ni kunnafoni min b'u ka wolosebenw kan.

- Bugunnatige farali kalatasében konko kanani bolonobilasébenw kan wotebirow kono. Togo siginidennama n'a jatedennama kofe, kalatala ka Malidenya nimoro farala a kan; n'o ye (NINA) ye.

- Ka seben NINA lawuli kalata kama. Seben were fosi te fara o kan walima ka seben ke k'a joyoro fa.

- Kalatalaw yelemani k'u lataayoro were la k'a sababu k'a sigiyoro ye, o sira surunyana.

- Mogò minnu ye jamana bila geleya koson ka yelema jamana were la, sariya tara olu woteli la.

- Sorodasi minnu be kéléla la, lakanabaa to minnu be kéléla la, kalata labenjekulu (CENI) mogow, kalatayorow némogow n'udemebaaw, politikiton minnu mogò be ka joyoro nini an'o ton ninnu ka cidenw kalatayorow la, nogoya donna olu woteli la. U be se ka mogò yamaruya o ka wote u no na.

Nin yelema minnu donnen file kalata sariya la, a bëna se k'a to san 2013 kalataw ka ke jelenya ani dannaya

kono.

Minisiri min nesinnen be wariko, nafoloko ani baarakenafoloko ma, o sonna jamana marabolo, Desantaralizason ani dugukolo labenni minisiriso ka lajini ma kalatasében NINA soro'liko la. Ben kera o kalatasében minkansan 2013 kalata la n'a konko bora arawekila. A te ne fo oka dilan jamanadenkelenna

ye. O siratige la NINA dilanni donna cakeda bolo, min be wele «SAFRAN MORPHO». Amusaka be se sefawari miliyari 8 ani miliyari 514 ma. Kalo kelen tile 30 sarati dara o cakeda in ye, a ka seben ninnu soro ka di jamana marabolo, Desantaralizason ani dugukolo labenni minisiriso ma. Faso b'a jo ni nafolo kofolen in dili ye.

Marabolow togolabulon biro kura sigira

Marabolow togolabulon peresidan, Umaru Agi Mohamadi Iburahimu Hayidara ye marabolow togolabulon biro sigili baaraw némogoya ke arabadon mekalo tile 15 san 2013.

O lajeba senfe, jamana konsayiw ye mogo 15 sigi u ka biro kono :

Némogó kera Umaru Agi Mohamadi Iburahimu Hayidara ye, ale ye Adema mogò ye ka bo Tumutu. Némogó dankan 6 b'ale kerefe k'a deme : Mamadu Jakite, ale ye Adema mogò ye ka bo Sikaso, Dabi Jakite, ale ye URD mogò ye ka bo Kayi, Abudarahamani Serifu Hayidara, ale ye Kokanmalidenw ka némogó ye, a sigilen be Senegali, Abuduli Wahidu Adama, ale ye Adema mogò ye ka bo Gavo, Madamu Jakite Fatimata Buware, ale ye URD mogò ye ka bo Segu, ani Abudulayi Jakite, ale ye RPM mogò ye ka bo Segu. Biro kesiteri 2 bec kera Adema mogow ye : Mamadu Tarawele ka bo Kayi (Kesiteri folo) ani Hamidi Hama Jalo ka bo Moti. Biro sekeretériw kera mogò 6 ye : Barahima Mayiga ka bo Adema la Tumutu, Gamuni Agi Ijasitani ka bo Adema la Kidali, Musa Kamara ka bo Parenà la Kayi, Umaru Mahamani Ture, ka bo URD la Gavo, Hawa Jakite ka bo Adema la Bamako ani Madani Nangi ka bo CNID la Segu.

Solomani Dunbiya
Mahamadu Konta

Kamiden numanw sorocogo

Nin te kamimara kunnafoni boko folo ye kibaru kono. Agibu Male ye senekele ye Falo, Bila serekili kono, Segu mara la. Agibu Male ye baara in kecogo faamuwa, fo a yere fana be mogo were kalan a la sisani. A b'a fe k'a balima kamimara law bilasira.

Agibu Male be kamimara ke cogo min na, a be do fo o la Kibaru kanubaaw ye. A yere ye Falo komini sisemaralaaw ka ton nemogo ye o san saba ye ninan ye. Agibu ka fo la, kamimara ka gelen, a ka nogo. A ka gelen mogo bolo, min te sigi yoronin kelen k'a wasa don a ka kamiw na. A ka nogo mogo fana ma, min y'a jesin baara ma, k'a don ko nafasorobaara don.

Agibu Male y'a jira ko mogo min b'a fe ka kamiden nemamaw soro, o ka kan ka

nin waleya ninnu matarafa, kamifanw wolomani.

Kamifanw wolomani be ke cogoya fila la. I be palan fa ji la ka kamifanw kelen-kelen bila a kono. Fan minnu mana fogon ji kunna, i be se b'olu dun. Sabula u te toro. I be soro ka fan tow k'i ka sisew koro. Fan 20 be se ka bila sise kelen koro.

Ni kamifanw ye tile tan ni kelen soro sise koro, torosi min je ka di kosebe, ib'a mene ka kamifanw kelen-kelen ta k'u laje. Ni dibi te min kono fo a be menemene yeelen na, i b'o da kerefe. I tilalen ko segesegeli la, i b'o menemene ninnu fili. Sabula hali n'u torola kamidenw be sa joona kabini u fitinin. U te ke kamiden iere 14 soro yanni ka dumuni were di u ma.

I be soro ka kamifan tow

ladon sisew koro tuguni. Tile 24 o ko, u bee ka kan ka toro. Mogow k'a don ko bagansi be latomo i n'a fo sumansi be woloma cogo min na. N'i ka sumansi manji, ni y'a dan a te falen, ni min falenna o te wolo, ni min wolola, o te kise don. Fanko fana b'o cogo la.

Kamifanw torolen kofe, i kana sin ka kamiden labo k'ufara jogon kan lamarayoro kelen na kasoro u barajuru noroyoro ma kenya. I b'a to folo u baw ka yaala doonin ke n'u ye kenema. O waati konona na, n'u bora yaalayoro la, ikana dumuni di kamiden ma. Sabula o b'a soro u ye bisekisenin caman kunun. Dumuni caman mana fara o kan, u be bana, sata be caya. I ka kan k'a to u basigilen ka iere 14 soro yanni ka dumuni were di u ma.

Agibu Male ka fo la, kamimara nafa ka bon kosebe. A ko ale ye nafa min soro a la, a te se k'a bee fo ka se a dan na. A ko ni kuma diyara ale la, a b'a fo ko baara min be se ka koorisene nonabila senekele bolo, o ye kamimara ye. Agibu y'a jira kogelleya kelen min b'ale kan bi kosebe o ye jintanya ye. A k'a ye kolonsenko 7 ke, a si ma bila ji la. N'o te ko ni jisoyoro nafama b'ale bolo, ale be se k'a jo ni Falo komini mume kamimako ye.

Agibu Male be min fo sisemaralaaw ye, u mana faamuvali ke cogo o cogo, u ka baro ni bagando gotorow ye. Fuw be nogon fasaya. Mogo, n'ko ib'a bee don, ib'a bee ke, i b'a bee tige.

Agibu Male, kamimara la don Falo, Bila mara la, Segu

Poyi : Ne jiri be ham

Ne jiri be ham in labanko la,

Folo mogow tun be hine ne na,

U be n tige ka dan hake la, Ne jiri misennama u be ne to yen,

Ko ne ma se nafabo ma folo, Ko jiri misennin tigeli be kungokolon jirintanya,

O de koson ne tun be yaada fo ka kungo bee ke tu ye, Sanko jikogelleya tun te yeno waatiw la.

Nka an be don min na, Mogo te hine ne na,

Don o don n be tige, Ka ke dogow ni sarabonw ye,

Nin si te ka jiritiglaw bo tuguni,

U ye jiritigmansinw nini ne kama,

Olu te dowere tige jirimaw ko,

Ka n bayelema ka ke fen bec ye,

U ka warikomakow kama, Musow be jiri misenninw tige,

Cew be jiribaw tige, Ne jiri be ham.

Aw minnuye jiri ne cidonbaaw ye,

N'aw ma wuli ka ne lakana,

Ne silatununto don.

Daramani Sise ka bo Nogolaso, Sanzana komini na, Sikaso

Koperatifu mogow bilasirala ka ne

Dinandugu komini koperatifu iniyon nemogo daw ye kunnafoniditaama ke komini kono, min daminena zanwuyekalo tile 15 san 2013. A kun tun ye ka se komini koorisene koperatifu ma u ka baro keperatifuton sigicogo, koperatifu iniyon sigicogo, kene senetaw, kene senenew, cikemisiw ka baloko, kooriwpeseli, jurudon ni jurusara kecogo, soro kofe gelleya ani gelleya kofe soro cogoyaw. Lajeklaw da sera nin ko ninnu ma.

A kera kunnafonidi nafamaba ye koperatifu mogow bolo kosebe. Komini ka kan ka bo nogo la sira minnu fe walasa sene soro ka bonya ka dunkafa sabati, o bee nefora. Jekafye daamu ye. Nin kunnafoniditaama in benne sen ma. A kera hakilijagabo ani hakililafalen-falen kono.

Musa Sayibu Kane ka bo Bugukoro la Kenenku, Dinandugu komini na Kulukoro

Poyi : Sene



Umaru Fane


Sene ko duman korbali. Jamana jojiri, jamana ntuloma. Ngolo Jara ni mango. Cebalen bugobusan. Denmisen cekoroba tereke. K'i yere balo, ka mogo were balo. Senekelew ttorola, Su dugutila taamabaaw, ne ko a' ni ce. Tile farin munubaaw. Ji jugu minbaaw. Sa jugu kelsbaaw, n'an ko aw ni ce a' b'a lamine. Senekelelawye forobasogoye. min ka muru da mana diya o be doonin tige u la. Jamana te diya lafiya ko. An ko an ne te da senekele kan. Bawo, senekele ye jamana kosemejriba ye, Balote jamana ojamana bolo lafiya te yen. Senekejekuluw yerekebaaw ni foli ka kan. Nka juman sara be masa arahamani de bolo. Juguman sara b'a bolo. Wa hasidi sara b'a yere bolo, Sene de folola, wa sene de be laban. Umaru Fane Faranfasiso kurumari kalankaramogo, Nononmarala

San 2013 fana daminena ni gelleya ye

Bamako kono, politikimogow ye wulikajo min ke zanwuyekalo tile 9 ka sirabaw tige bolifentigiw la, o kololo kera sababu ye ka lakoliwdatugu Katini Bamako. A don kelen wuladalaneg e kanje 17nan, Malisorodasiw ni koronfela mogo murutilen, karila nogon na Konna, Moti mara la.

Ne b'a nini politikimogow fe, u ka mankan dabila folo. Nin waati te politikikel waati

Kibaru ni ce



Soyibajan Jara

Ne b'a nini wulakonomogo ceman ni musoman bee fe, an ka kibarusebenko don an sebe la halibi. Kibaruseben nafa te se ka fo ka ban. Mogo minnu ye tubabukan kalan, olu be bo jamana konokow n'a kokankow kalama tubabukan sababu la. An minnu ye balikukan ke, an fana be bo u kalama kibaruseben sababula. Ode koson ne ko an ka kibarusebenko don an sebe la ka taa a fe. Ne ka foli be Kibaruseben dilanbaaw n'a kanubaaw ye.

Soyibajan Jara ka bo Kodumandala, Nonon komini na Kolokanin

ye. Kele min be koren fe, mogo bee jorelen don n'o ye folo. Ni jugu bora a kalama ko sorobanagami be Bamako kono, o be son ka do fara ko gelleya kan.

Ne b'a nini jamana nemogow fe, an bee ka je ka sorodasiw senkoromadon; aw m'a ye zanwuyekalo tile 20 seli ma se ka ke ni kunkorotaba ye ninan. Ni Ala y'a ke sorodasiw sera ka jamana bo bolo la pewu, o

Dimogo fin ka jugu mangoro ma

Mogow k'u jilaja k'u ka mangorogerefew yere de ma kosebe. N'i donna o mangoroforo fen o fen kono, i b'a soro mangoroden misenman bonnen ka ca mangorosunw jukoro kosebe ka teme mangoro suguya tow kan. Ni mangorow tora nin cogola n'u ma furake, ameen o meen dimogofinw be mangoro soro nagasi fo ka mangoroko yere silasa.

Dimogofinw ka jugu

Yaya Mariko ka bo Senu Bamako

Kurantige juguyara

Dibi ye Mali dugubakonomogow segen. Yeelenbaro ka di. An tun be kalo kelen fo kalo fila da nogon kan folo, kurantige tun te ke anw fe. Nka bi, kurantige juguyara. Dibi ye jenafin bila an na. An b'a nini kurankocakeda fe, a ka dabali numan tige walasa dugubakonomogow ka lafiya yeelenko la. Sisan, su o su kuran be tige; tilefela kerebet. Baarada caman be ka nagasi bi k'a sababu ke kurantinya ye. Dow dahirime sirilen be kuranbaara la; dow fana ka denbaya be balo kurannabaara la. An m'a fo ko Mali kuranko cakeda te baara la; nka halibi a k'a seko ke walasa nogoyaba ka don kurantigeba in na.

Burama Berete ka bo Dlyu, Kajolo mara la Sikaso

Kalankene n° 130

Hadamadenya taabolo : Kaaba sariyako

«Folohadamadenya nisisanta yoro ka jan nogon na. O de y'a to waati kera k'a soro kaabakaw ni sariyatiglaw ma se ka jogon faamu. Hadamadenya tun be sinsin cogo min na Kaaba, o tun te ben sariyatiglaw ma.

Kaaba, n'i tun ye tineni ke, i tun be mine k'i lamaga.

Sariyatiglaw ko bugoli ye fen ye min te ben. Olu tun b'a fe kow ka ke cogo min na, o tun man di kaabakaw ye.

U ye waati ke sanni u ka nogon faamu. A ko tora sariyatiglaw ta la, nka tineni cayara. Kojugukelaw cayara. Mogo te siran mogo ne bilen. Denmisén caman kera nsonw ye. U be furakisénin ta. U te malo u faw n'u baw ma sango mogo gansan wérew. Walimutogé cayara. Furuw be tine, kun jenama si t'a la.

Cékoroba, n'i be teme bolon na, ni denmisénw be na, i yere kolosi n'o te u b'i talon k'i fili duguma.

Folosionmogoya tun te Kaaba. Bonya de tun be Kaaba. An ma dije ni

dogyali ye tile kelen. Ben tun be Kaaba.

Fen minnu ye hadamadenya tineni sirawaye, n'i tun y'olumine, i somogow folo de tun b'i laadi. N'i tun y'olu lamé, a fóra a banna. N'i tun y'a ke tulokungeléye ye, Malobalinin tun be yen. O tun ye walejugukela bee furakélan ye.

San do la (1994) kalandenw y'a do kolokolo k'ubéna kalanyoroba injeni. Yoro in kuntigi siranna, a nana a n'fо dugutigi ye ko a k'a laje fura ka jini a kola jogon fe. Kaaba gatigi bee welela dugutigife yen. Benkera a kan «Kare» k'a jija ka fura soro wale jugu in nato la.

«Kare» n'émogow welela ka baara in kalifa u la. A soro k'a fo kalanyorо kuntigi ni fanga tow ye, u k'u senbo wale in na. Kaaba kunkode don sabu yoro in ye Kaaba de ta ye, hali ni goferenaman y'a jo. A ma jo kungo fe. A jora yoro min na, o togo de b'a kan. Ni mogow y'u sigi ka yoro in jenito laje mun b'a jira u la ko a jogon wére bénna jo Kaaba tugun?

A taara fo kalanyorо kuntigi ye a k'a jira kalandenw na, n'u be bo sini sogoma ka yaala, u ka Keela sira miné. Nilaginetaa y'udiya, u be se ka taa yen. Se koni te mögo ye ka yaala Kaaba dugu kono. NKA n'a ka di u ye, u be se k'a laje. Tasuma te don fen na Kaaba. Yoro te se ka kari Kaaba.

Dugu in yere den do tun ye kalandenw ka ton n'émogodoye. Mogo bilala ka taa fo a fa ye, a k'a laben ka wuli ka b'o dugu la, an'a den. Ci fóra a ye yoro min na, a ye den laben k'o bila ka taa yoro wére la. Ale yere soro ka delili damine. Ola, mogow y'a don k'a ni den je te wale jugu in ye. Yafa kera a ma nk'a den koni be taa a ka kalan to ke yoro wére la, a te to Kaaba.

Ni mögo ko i b'i yere fe, Ala b'i deme k'i ka kow bee dilan. N'i ko i t'i yere fe, Ala b'i deme k'i ta tine. Kow faamuyalen don Kaaba ni cogo in na.

L'ogondeme tun be Kaaba. Mogo tun be je ka kow ke, ka sigi diya jogon bolo. Hére bee tun be ke jogon fe».

Saheliyen (Sahélienne) Kaaba Karawani sèbenniékulu

**Walenumandon, ka
nésin jamana peresidan
folo ma : Modibo Keyita**

Peresidan Modibo Keyita fatura san 1977 m'ekalo tile 16. San o'san, o don in mana se, Mali goferenaman ani Modibo jenogonw n'a somogow be je ka bonyamasegin ani dugawu ke a ye.

Jinan, baaraw n'émogoya tun be Minisirijemogoo Jango Sisoko bolo.

Mogoba caman tun b'a kéné kan : Goferenaman mogow, lasigidenw, Bamako dugulenw, Bamako gofereneri, Komini sabanan Meri, Minisirijemogoo koro Sumana Sakò, Modibo Keyita somogow n'a jenogonw.

O kofé, Minisirijemoo ni kunnafonidilaw barola. A y'a jira olu la ko Modibo Keyita tun ye fasoden numan ye, baarakela tun don, tineni tun don bawo a y'a faso kanhérönya.

A y'a jira ko Mali be gelyea min kono bi, o ka kan k'a to an hakili ka jigin peresidan Modibo Keyita la, bawo ale y'i jo a joyoro la, ka ko bee ku, fo ka taa saya se a ma, a ma bo a kan kan.

**Solomani Dunbuya
Mahamadu Konta**

Dukene 106nan :

Koperatifuko sariyaw Mali kono (7)

Tigeda 5nan : Koperatifu nafoloko n'a jateminecogo labenni

Sariyaset 49nan :

Koperatifu ka nafoloye tonnadonwari ye ani wari werew.

Sariyaset 50nan :

Tonnadonwari sarali ye wajibi ye. Tonden bee ka sarata ye kelen ye; a te lasegin wa tono te da a kan.

Sariyaset 51nan :

Demeniwari be kosegin wa tono b'a kan. O tono hake be dantige tonjama fe, wa a man kan ka teme hake yamarualen kan sariya fe.

Manankun min be labenninafolokono, tonden kelen-kelen si man kan ka teme keme o keme tan ni duuru kan (15%), fo ni lajeba dijena n'a ye, koperatifu n'émogosoba ka yamaruya kono.

N'o manankun ma boli ke, ka da baara bolodalen musakaw kan, sigilisariyaseben b'a yamaruya ka manankun wére boloda ka ben ni tonden ka laniniw ye.

Sariyaset 52nan :

Tonden kelen-kelen ka kan k'a ka manankuntance sara warisaratuma na.

Sigilisariya b'a to sarali dantige, nk'a man kan ka teme san kelen kan. A yamarualen be sigilisariya kono, ko ni mögo minnu ma se ka manankunbolo sara san kelen bolodalen in kono, o tigi be gen.

Ni manankunbolo bee ma se ka sara

waati bolodalen kono, saralen te tono lase o tigi ma, wa a te lasegin.

Lajeba be se ka manankun sarali yamaruya ni baaraw, sumanw n'o nogonnaw ye.

Sariyaset 53nan :

Bee ka manankun y'i yere ta ye. A te tila, a te mine mogo wére fe. A mineni be se ka dahtige lajeba senfe, i n'a fo sigilisariya y'a fo cogo min na.

Sariyaset 54nan :

Manankunbolo te fen tilata ye. A tono man kan ka teme banki (BCAO) ka sariyaw kan.

Sariyaset 55nan :

Koperatifu ka soro wérew ye

- Tonu minnu soro koperatifu ka baara kelen temenew na.

- Tondenw yere ka demew.

- Donbolow ni deme wérew.

- Juru minnu tara tondenw fe ani cakeda wérew.

Sariyaset 56nan :

Tonden kelen-kelen joyoro dogoyalen ye a ka manankun bolen ye. Nka, sigilisariya be se k'a yamaruya, ka do fara a kan fo sigiyorma tan (10).

Yeremaboli, saya walima genni te tonden ni koperatifu ka benkan tine. Nafolo min be tonden ni koperatifu ce, o fana te tine nin sababu kofolenw na.

Akera saya, genni walima yeremaboli ye, san duuru (5) temenek k'o, sariya sité se ka tonden walima a tinenabaga

no mine.

Sariyaset 57nan :

San kono, tono min mana soro, a wajibiyalen don, do k'a bo o la ka bila kerefe, i n'a fo sariya y'a fo cogo min na, ani donbolo min be ke tondenw ye. Nafolo min be bila kerefe, san nafolo soro na döröme keme o keme, döröme mugan ni duuru be bila kerefe (25%), fo a manankunbolen sigiyorma tan (10) soro.

Nin bee temenek kofé, a boli te wajibi ye fo ni manankun binna.

Sariyaset 58nan :

Bilankoro wajibiyalen kofé, sigilisariya be se ka bilankoro wérew sigi sen kan minnu hake n'u dondaw be latige lajeba senfe.

Sariya ko ka min bila kerefe :

San tono soro na, döröme keme o keme, döröme mugan (20) be bila kerefe wa a te teme o kan.

Sariyaset 59nan :

Tondenw ladiyaluwari : nafolo min be bila kerefe ani sariya ko ka min bila kerefe, olu mana bosan nafolo soro na, a te be ke tondenw ladiyaluwari ye, k'a da o san baara kelenw kan tonu kono.

Sariyaset 60nan :

Ni bin kera san min na, o san tono te tila, fo binda in ka datugu.

- koperatifu wajibiyalen don ka nafolo min mara yiriwali kama, o te se ka tila

cogo si la tondenw ce, wa a te se ka fara manankun fana kan, walima ka ke mankunbolo ye.

- Nafolo min soro koperatifu ni mogo wérew ce baaraw la, o be fara nafolo marata wajibiyalen kan: donbolo dow b'a la ani ninaw.

Sariyaset 61nan :

Koperatifujekulu ka jatebo ka kan ka ke i n'a fo sariya y'a fo cogo min; walasa danfara kana don baara k'ecogow la, ani koperatifu tow ce, koperatifu lajeba be se ka lanini ke, baara ka ke ni jatebosében kerékerénenen ye minnu labenna a kama.

Sariyaset 62nan :

Koperatifu ka jateminesében be lajo san kalo laban na. Ni san baaraw banna, kalo saba kono, kojenabojékulu ka kan ka jateminesében ani san kura baarakénafolo dantigelen lase lajeba ma. O jateminesében file :

- san baara bolodalen sèben
- san jatefileseben n'a farankaw
- san baara kelenw kunnafonisében
- san nafoloko
- kòlsiliékulu ka san kunnafonisében
- kòkan: sègesegelikela ka kunnafonisében ani kunnafoni jenjor wérew sigilisariya ye minnu dantige.

Hadamadenya sabatili ni jenjor wérew sigilisariya ye minnu dantige.

Hadamadenya sabatili ni jenjor wérew sigilisariya ye minnu dantige.

In S. lego

An ka kungokonjiriw lañenamayali baaraw bë sira juman kan

Nininni cakeda bolofara min bë Sikaso; n'a ka baaraw jesinnen bë kungokonjiriw lakanani n'u ladonni ma, o ye baaraba ke an ka kungokonjiri damado kan, k'u turu, k'u ladon, k'u mocogo kolbsi. Baara in kera cikeduguw ka scroyiriwalicakeda ka yamaruya n'a ka kolbsili kono, n'a bë fo a ma tubabukan na (IER).

Baara ninnu kera Zangaso kungo lakananen kono, Kucala serikili la. Jiritige ni ja bë ka an ka kungokonjiri halaki ka na ni sanjidesé ye. San o san, jiritu taari caman bë tige, ka ke finfin ye, tobilidogo ani makonejiri suguya werew.

Sikaso nininikelaw ka baaraw y'a jira ko an ka kungokonjiri bë se ka lañenamaya, k'a lakuraya, k'a lasegin a cogoya koro la, i n'a fo an benbaw y'a to an bolo cogo min.

Dugukolo labenna cogo min na :
Jiriturudinge suguya fila senna : Dingeba ani dingé fitinin. Dingeba bonya n'a dunya ye santimetere 60 ye, dingé fitinin taw ye santimetere 30 ye. A bë fo u ma tubabukan na (G. P.) ani (P. P.).

Baara kera jiri suguya minnu kan :
Ngalama : Ale ye jiri ye min kolo ka gelen. Makonefén caman bë dilan n'a ye ani sojoba raw, fo ka se sogokunw dilanni ma ani fen werew, izininw kono ani ateliyw la.

Gele : Jiri kolo gelen don i n'a fo

Ntolatannaba Dawidi Bekamu y'a ka ntolatan jo

Dawidi Bekamu ye ntolatan jo a san 38. A ka ntolatan labanna Faransi ntolatanton na min bë wele «Parisenzérimen», n'o ye Parikawka ntolatanfon ye Faransi Faaba kono. «Parisenzérimen» kelen ka Faransi ntolataitonw ka jogondanba joyoro folo soro, n'o ye «Sanpijona» ye, karidon mekalo tile 12 san 2013, ni Liyon gosili ye 1 ni 0, Bekamu y'a jira k'o y'ale ka ntolatanba laban ye, ka da a si körbayali kano. Ayentolatan damine a fajamana kan a san 17, san 1992. A ka ton folo kera Mansesiteri ye. O kofe, a donna Ereyali la, k'a ta san 2003 la k'a se 2007 ma, ka bo yen ka don Losi Anzelési Galakisi la Lamerikenjamana kan. A labanna «Parisenzérimen» na san 2013. Bekamu ye sanpijona ntolatan 534 ke. O senfe, a ka bi donta ani a ye minnu laben, o benna 242 ma. A ka jamana y'a wele ntolatankene kan sine 115; mogo kelen b'a ne o la, o togo Peteri Silitoni. A ye kupudimoni tanko saba ke : san 1998, 2002, ani 2006.

ngalama, baarakéjiridou, makonefén caman bë labenn'a ye fo ka sé dögoko ni fintinko ma. A bulu ka di baganw ye, an'a denw. A kise bë ke nafen ye.

Jala : Ale fana kolo ka gelen. A bë bonya, ka janya kosebe. Jiriperen caman bë se ka bo a la k'u labaara iziniw ni ateliyw kono. A fara n'a buluw ye furaw ye. Ni bin te kungo kono, baganw b'a buluw sëbekorodun.

Balansan : An ka kungokonjiri jenamaw do don. A bë dugukolo nogodon kosebe. A bulu n'a denw ka di baganw ye. Didenw b'a matarafa kosebe ni feere bëre te soro kungo kono tuma min na.

Nere : Jamana in jiri körba don, jiri nafamabà don. Nere mugu ye balo ye, negela don. Nerekise bë ke sunbala ye, a bedonanka nadumanwa, witamini caman b'a la.

Ntomi : Ale ye balo ye, fura don, witamini caman b'a la. A bë se ka laben izini na ani bolo ka ke minfen duman ye.

Baara kera nin kungokonjiri minnu kan (Ngalama, gele, jala, balansan, nere, ntomi), o daminen kabini san 1989.

San 7 temenen k'o, jaabi minnu sorola, olu file nin ye:

Kolbsili minnu kera jiri ninnu mocogo kan nininikelaw fe :

An k'a dòn k'a fo kungokonjiri ninnu

kise danna ninikelaw fe. Siñew sorolen, u ye olu lamo fo ka u se turuli ma. U turulen kofe, u kolosira, k'u ladon, fo jiri ninnu ye san 7 soro.

An bë min dòn ka körö; o ye ko kungokonjiri ye jiri ye min bë falen a yere ma, ka mo a yere ma, ka den a yere ma kasoro mögo si bolo ma don a la. Sisan, Mali yere bë k'a jilaja kungokonjiri sabatili fe. San 7 kono min kolosira jiri ninnu mocogo la, o file nin ye :

A yera k'a fo ngalama sonna kosebe mögöw bolo. Ale mocogo ye ninikelaw ne fa. Sifileli kera dugukolo min kan, ale bora a yere la kosebe o kan. A ka jeni hake kera 95% ye. Janya hake benna metere 4 ni santimetere bi naani ni saba ma (m 4,43). San o san, ngalama turulen ninnu tun bë janya ni santimetere 37 ye ka se 64 ma. U mocogo teliyara k'a bëre bën u turuli san saba folo la. N'ale turula dingé fitinin kono min bonya n'a dunya ye santimetere 30 ye, à mocogo bë ne.

Ntomi fana mocogo hake jena k'a bën 93% ma. Nka janyacogola, a ma teme (m 1,48) kan. Ale bë ne dingeba kono min bonya n'a janya ye santimetere 60 ye. Nka a bë se ka ne dingé fitinin fana na. N'a turula ka gëre jogon' na o nafa ye jiriko ni dogoko ye. N'a turula ka mabo jogon na, o nafa y'a den caya ye.

Gele necogo fisayara k'a hake bën 83% ma. San saba folo la, a mocogo manteli, san naaninanna, a bë teliyali

damine. A janya bë se (m 2,30) ma san 7nan na. A bë ne kosebe n'a turula dingé fitinin kono min janya n'a dunya ye santimetere 30 ye. Dingew ka kan ka janya nogon na ni metere 3 ye.

Nere fana mocogo fisayara, k'a hake ke 77% nogonna ye. A selen san 7 ma, a kundama bë se (m 2,62) ma. Ale bë ne dingé fitininw kono. Dingew janya nogon na, o ka kan ka ke metere 5 ye walima 6 ye.

A labanna, u ye dingew janya nogonna ni metere 10 ye, walasa a den tusu ka bonya.

Jala mocogo fana fisayara, k'a hake bën 65% nogonna ma. A mocogo ma da'ækene k'a sababu ke tijeniferen dòw ye minnu b'a fitinin faga. Ale fana ne ka di dingé tifinuw kono, ka metere 6 bila dingew ni jogon ce.

Balansan de ma son sifileliyoro in na kosebe, bawo ale bë dugukolo cencenma de fe ka teme jimayoro kan ani bogojemayoro. Ale jeni hake ma teme 33% kan. San kono a mocogo tun nagasilendon. Nininikelaw ye nin baaraba min ke an ka kungokonjiri dòw k'an, o kun ye ka jamana deme, ka cikedugulamögöw deme, jirisinebolaw ani jiri kanubagaw, u k'u sëbe don kungo lañenamayali ma bawo a ko ma taa ka dan ke folo. Hali bi, nan y'an cesiri, kungo bë fa jirita la.

Karamogoba Bokari Alayi Keli (Sikaso Kungo ni cike cakeda)

Mahamadu Konta

Yelema donna Mali ka san 2013 baarakénafolo cogoya la

Minisiriw ye tonsigi balalen ke mekalo tile 29 san 2013, Kuluba. A nemogoya tun be furancelafanga jamanakuntig Jönkunda Tarawele bolo. Nafoloko, wariko ani baarakénafolokominisirib'a feylema min ka don Mali ka san 2013 baarakénafolo cogoya la, tonsigi in kun ye ka u hakilila di o kan. Mali ka san 2013 baarakénafolo bolodara ka janto ke ko caman na ka da basigiko ani politiki geléyaw kan. O geléya in daminen kabini san 2012 kono na. A kololo juguyara kosebe, sabula wari ma se ka sëbekorö munünmunun jamanakono, demebaaw fana y'uyere miné ka wari dili lajo jamana ma folo. Nin jantonyerlawale min kera san 2013 baarakénafolo bolodato, o de kera musakaw bërebenni ye wari sorota hake ma.

Sisandemebaawyewaridilidamine kokura, kabini depitebulon sonna furancelafaga taabolo sëben kono kowaleyi ma san 2013 zanwuyekalo kono. O de koson yelema bëna don san 2013 baarakénafolo bolodalen folo la walasa naniya minnu sirila a san kono, olu ka se ka waley a nema.

Yelema min donna baarakénafolo cogoya la, o bë tali ke ninnu na :

- Demewari minnu bë bo kókan baarakénafoloko la ani wari min bë nesin baaraba bolodalen waleyali ma;

- Mögöw ni cakedaw bë wari min di baaraw, walima sanniw ninini kunkoro;

- Telefoniso 3nan sanwari to;

- Damansencakedaw ka musaka sarataw;

- Faso nafolobonba be juru minnu don warilabaaracakeda misennin minnu na olu töno sarataw;

- Baarakénafolo min tuh labilala kenyako minisiriso ye a ka san 2010 ani 2011 baaraw kama, bolo ma se a to min ma do bë ta o la.

- Nin wari kofolen minnu file, furancelafaga taabolo sëben yebaara keta minnu dantig, o bëna tila olu ce ka kene n'u cogoyaw ye.

- Jamana marayorobësësöili juguw la ani k'u lakana;

- Sorodasiw (lakanabaaw) demeni;

- Fanga seginni marayorobësöolen kono;

- Sigikafo ani fokaben baaraw

labenni;

- Demewari sigidalamögöw la; i n'a fo mögö juguw tun be ka yoro minnu mine;

- Kalataw labenni n'u waleyali;

- Nafa minnu sorola kenyako ni kalanko la, olu jiidili, ani nafolosoroba raw waleyali.

Mali ka san 2013 baarakénafolo yelemanen cogoya file :

Wari sorota be se sefawari miliyari 1.433 ani miliyon 36 ma; kasoro bolodalen koro la, wari sorota tun ye miliyari 1.007 ani miliyon 80 ye. Kemesarada 42,30 farala o kan.

Musakabë se sefawari miliyari 1464 ani miliyon 596 ma; kasoro musaka tun ye miliyari 1.057 ani miliyon 257 ye baarakénafolo bolodalen koro la. Kemesarada la 38,53 farala o kan.

O b'a jira ko Mali ka san 2013 baarakénafolo yelemanen in be dëse ni sefawari miliyari 31 ani miliyon 560 ye; kasoro bolodalen koro tun be dëse ni miliyari 50 ani miliyon 177 ye. Nka a bëna se ka dafa ni demewariw ye baarakénafoloko la ka bo kókan.

Dokala Yusufu Jara

Fura bëna soro karadanteko geleyaw la



Karadante
ninibagaw
tonnen
file noggan
kan

Yuruguyurugu min be ke walasa ka karadante soro, wolosében, périmi, karitigirisi an'o noggonnaw; o dogolen te mögo si la bi jamana kono, fo ka taa se dipulomu namaralenw dilanni ma. Nka bolofa tun be karadante soroli ta kan, ka da a nafa kan.

Sango an be waati min na sisan, n'o ye kogonifanga waati ye, bëe girinnen don karadante kan, k'a soro, walasa i ka lakodon jamanaden ye.

Faya kungo lakanani

Minisiriso min nesinnen be sigida n'a lamini ani lasaniyali ma, o y'a wasa don Mali ka ji ni kungo lakanani nemogoyaso la, ka bënkansében do bolonobila a ni Tamuwayasi ce. O ye kenyereye cakeda do ye Mali kono. Bolonobila in kera mekalo tile 6 san 2013 Faya kungo lakananiko la, ka fara Sunsang ni Baninfin ni Bawulen kungo sogow lakanani kan. Laje in nemogoya tun be Sigida n'a lamini ani lasaniyali minisiri Usumani Agi Irisa bolo.

Mali ji ni kungo lakanani nemogoyaso kuntigi Alasani Bonkana Mayiga ni Tamuwayasi nemogoba Mamadu Sinse Kulubali tun be kene kan, ka fara ji ni kungo lakanani cakeda baarakela caman kan.

Nin bënkansében minbolonobilalen file goferenamannikenyereye cakeda ce kungo lakananikola, a dabokun ye an ka falenfenw ni kungosogow ka bugun; i n'a fo Bonkana Mayiga y'a jira cogo minna. A kolosira kokungoda lakananenw ka mèen si la kasoro dan ma kari u la, o sababu numan ye jekabaara ye goferenaman ni kenyereye c. Ka da a kan mögoko, wariko ani baarakeminenko kelen te ka ji ni kungo lakanani cakeda labo.

Nin y'a siñé sabanan ye

Nka a te ka soro. Bamako yan, mögö be wuli kabini fajiri ma se ka taa polisisow la, a be tila ka fo u ye ko karadante desera. Mögo minnu mako gelenw jolen b'a la n'u b'a fe ka taa taama na, walima n'u ka sèben nafama do soroli sirilen b'a la, walima mögo minnu b'a bila u kun k'u yere lakana, olu te se ka sigi, ut te se ka jo, fo u ka karadante soro k'a bila u kun. Olu be son ka don yuruguyurugu

suguya bëe dafe, ka nafolobaw bo walasa u mako ka nénabo.

Mögödöw ka fola, karadante kelen jagokun ye, o de y'a to n'a hake dögoyara, k'a latunun yuruguyurugumögow fe; ubé waribaw mine a kunkoro, kasoro a songo mumé be ben sefawari dörème 340 ma Bamako yan.

A ko geleyara k'a damateme fo jamana kono lakanani kalifalen be Minisiri min na, o welela k'a nininka. Ohukumu kono, jumadon, mekalo tile 10 san 2013, Minisiri ye wele bila Polisijemögow ma ani zandaramumögow, ani minisiriso in nafoloko n'a minenko némogo, Badara Jamuntene.

O laje in senfe, u benna a kan ka karadante sèben 100.000 nini izini fe mekalo in na, ka 100.000 wère jini zuwenkalo la. Suluyekalo ninita be ben 75.000 ma, ka utikalota ke 50.000 ye, k'a laban ni 30.000 ye setanburukalo la.

Sedu Tangara
Mahamadu Konta

A dabokun
ye Faya
falenfenw
ni'a
koncsogow
bugunni ye



bënkansében ka bolonobila goferenaman ni kenyereye c. A b'a to Mali ji ni kungo ka lakananiko ma. Dije nafolobatigw ka ciden 100 ni k'o ye wele in jaabi. U y'u bolo bila u kun fana, ka Erowari miliyari 3,250 boloda Mali ye. O be ben sefawari miliyari 2130 ma.

Afriki jamanakuntigi damadjo farala Jönkunda Tarawele kan, ka taa lajeba in seereya. Bilezi Konpwore, Alasani Daramani Watara, Féri Nasinge, Mohamedi Abuduli Azizi, Mahamadu Isufu.

Ben kera a kan k'a fo nafolomuguba in bëna don dakun

siratige la, lotoliw be jo o kungoba ninnu na walasa ka nabaaw siyorko n'u ka dumunikeyoroko noggaya.

Seki Amadu Ja
Dokala Yusufu Jara

Erowari miliyari 3,250 sera ka fara noggan kan Mali demeni kama

Mali ka lajini kono, Faransi ani Eropu jamanaw, lajeba kera, Belizikijamana faaba la ani Eropujamanaw ka tonba faaba, n'o ye Burukiseli ye, ka nesin Mali demeniko ma. Dije nafolobatigw ka ciden 100 ni k'o ye wele in jaabi. U y'u bolo bila u kun fana, ka Erowari miliyari 3,250 boloda Mali ye. O be ben sefawari miliyari 2130 ma.

saba dafe.

1 - Maliden minnu'usigiyorobila, ani ka taa uyere kalifa jamana wère kan, olu seginni faso la, o nafolo boli.

2 - Yoro minnu tipeña ani baarakeminew kèle fe, olu labenni.

3 - Ani Hadamadenya yiriwali cakedaw sinsinni : Kalansow, dögötörosow, kalataw, adw.

Ajinina Mali nemogow fe nafolomuguba in ka don baara ninnu dafe, ka demokarasi sabati ani jamana yiriwali.

Burema Ture
Mahamadu Konta

SAN 2013 MEKALO KIBARU KONKO

- n° 2 : Keleda kunnafoniw
- n° 3 : Marabolow togolabulon biro kura sigira
- n° 4 : Batakiw
- n° 5 : Kalankene n° 130 : Hadamadenya taabolo : Kaaba sariyako

Dukene 106nan : Koperatifuko sariyaw Mali kono (7) :
Tigeda 5nan : Koperatifu nafoloko n'a jateminecogo labenni

- n° 6 : Farikolojenaje kibaruyaw
- n° 7 : An ka kungokonjiriw lajenamayali baaraw be sira numan kan